

Комсомол—хө өсклгънд шеф болсмн

Б. НАДБИТОВ,
ВЛКСМ-н таньгъчин
комитетин сеглăтр

Таньгъчин комсомольск организац хө өсклгънд шеф болсмн. Хөбчнрин бригадсур болн малин фермсюр кесг багъчуд йовулгдсмн. Энүнă ашд комсомольск -багъчудин хөбчнрин бригадс 110-с 235 бригад курч өсв. Комсомолин района комитетсин седвăрăр Приозери болн Целини райодт хөбчнрин школмуд бурдăгдв. Эн школ төгсгсн багъчуд хө өсклгънă халхд кăдлдж, кăдлмшин улгур ұзулдж йовна.

Хө өсклгънă кергт шин кадрмуд батлхин тăлă делгудан сăн бăадл бурдăгдхш. Балгъсна Ленинă нертă болн „Страна Советов“ гидг колхозмудар, дакад „Черноземельск“ гидг совхозд хөбчнр кăдлмшт орлдад-гарлгън нег улў олар болна. Зăрм хөбчнрин бригадсар радио, газет болн аптек уга, кино ховрар ұзулгднă. Совхозин директор ұр Огрызкин, багъчудин геган-герлин туск неквриг совхоз теткх зăв уга гидж герчлăд буру хăлăц гаргъна.

Таньгъчин потребсоюз (ур

Сидоренко) болн культурин таньгъчин управлень (ур Эрдниев) Харгазрт ұвлзджăх багъчудин бăадл-джиргълин тускар йоста кевăр килмджан гаргъхш.

Шидрăс совхозмудар болн колхозмудар хăд эклдж хургълцхахмн. Кесг комсомольск организац сакманщик болгъдж багъчуд йовулджана, эдниг белдхин тăлă 5—7 хонгин курс бурдăджанă. Приютненск районд ұвлăр хө хургълулх отармудар сакманщикуд кедж йовулхин тăлă 200 гар багъ наста кăвуд-кўукд йилгъдж авгдсн бăанă. Приютна улгуриг таньгъчин цуг комсомольск организац дахцхах зăвтă. Бидн эн джилд, малин фермсăр багъ наста 1000 патриотнр йовулх зăвтăвдн.

Болв зăрм райодар багъчудин сăн седвăр доньнгдхш гидж темдглх кергтă. Комсомолин Яшкульск района коми-

тет багъ наста хөбчнр белдлгънă школ бурдăхин туск токтавр авла. Школ бурдăлгънд кергтă моньгнă гарун туск тѳр босхла, болв партин Яшкульск района комитет комсомолин района комитетин эн сăн седвăриг доньндж чадсн уга.

Мана таньгъчин багъчуд ВЛКСМ-н XIII-ч хургиг тосхар белдджăцханă. Ни-тѳвкн ўн бăалгънă тууджлгч документсăр, КПСС-н ЦК-н декабрьск Пленумин болн СССР-н Деед Советин IX сессийин шиидврмудăр ѳргмдж авсн комсомольцнр ик даалгъврмуд авчацхана. Западн района багъ наста кăвуд болн кўукд шин джилд эврăннь чидлăр 10 миньгън гаха, 50 миньгън шову бордх, нăаднр 100 хон болгънас 125 хургъ авх, саалин нег ўкр болгънас 2500—3000 литр ўс саах, ѳндглдг шовун болгънас 130 ѳндг авх шиидвр авцхав. Эн улгуриг Хальмгин цуг комсомольск организац дахк зăвтă.